



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodvs Expeditæ Commvniõnis Tum pro Sacerdotibus, tum pro omnibus fidelibus communicaturis

Tamburini, Tommaso

Coloniæ Agrippinæ, 1657

Quam debeat pœnitentiam exhibere sive publicus sive occultus, peccator
ut ad communionem admitti possit, §. 3.

urn:nbn:de:hbz:466:1-41783

§. 3.

Quam debeat pœnitentiam exhibere sive publicus, sive occultus peccator, ut ad communionem admitti possit.

*a Suar de
Euc. d. 67
Sec. 2. §.
inquiri
autem.*

b Idem ib.

23 **S**I peccator sanus, occultè petat; sufficit a egisse occultè pœnitentiam, seu confessum sacramentaliter esse: idque Sacerdoti, aliisque, qui fortè adsunt, noverantque peccatum, constet. Si verò publicè petat; necesse pari modo est, ut publicè constet pœnitentia, sive confessio, pro ratione status peccati, ita ut bona ipsius dispositio manifesta sit. Ratio utriusque dicti est, quia sic Sacramentum dignè coram Deo, & hominibus tractabitur. Dixi, constet: nam si dubitetur de pœnitentia, non sufficit: quia possidet certitudo peccati:

peccati : cum contra, si dubites de peccato; potes, ac debes illum communicare : quia possidet bona fama parentis, atque adeo petens præsumitur bonus, ut supra annui num. 7.

24 At si peccator, quantumvis publicus, (qualis est v. g. meretrix publica) in mortis articulo sit constitutus; satis erit, c si pro *Idem ibi* temporis opportunitate, & angustia, vel ritè confiteatur, vel si hoc nequeat, signa contritionis exhibeat, juxtà ea, quæ diximus cap. 5. §. 8. num. 16. & ad evitandum scandalum publicetur, quantum fieri potest, dicta Confessio : de cuius publici peccatoris Cõfessione vide quæ dixi in methodo Confessionis lib. 3. cap. 3. §. 1. Ratio est quia tunc, propter periculum, urgentemque necessitatem, non est major diligentia extorquenda, quàm illa, quæ commodè exhiberi potest : & ex alia parte de quolibet

fideli præsumitur, eo in articulo, facere pro sua salute quantum potest. Addunt aliqui ad meretricem graviter decumbentem in lupanari, seu loco publico peccati, etiam si confessa ritè fuerit, non esse ad deferendam sacram Eucharistiam: esse, si in domo privata jaceat, propter reverentiam Sacramenti. Puto tamen, ubi hæc loca publica sunt, esse servandam consuetudinem ejus Ecclesiæ, quæ potuit declarare, quid melius expediret, forte ad terrorem aliarum: Nam cæterum Christus Dominus ad peccatores, præsertim contritos, libenter divertit.

§. 4.

An laicus, vel inferior Diaconus ministrare unquam possit Eucharistiam.

*a De Lugo
de Euch. 25
lib. 3. c. 1*

DOcent aliqui, a nunquam, ne ex commisione